

吳

文282.453
45

中

允



吳世燾
公
詩

南巡紀恩詩

五言古十章并序

皇上御極之四十有四年仁風扇乎八紘德澤潤
乎九有陰陽以時風雨咸若泰階玉衡既平
且正用能宣

列聖之重光襲百靈之嘉祉遠至邇安中外歌頌凡
厥積玩夙弊為民患者芟除剗剔罔有遺伏
先是淮南一隅陽侯為災山清高寶等州縣
數被衝溺上廛

聖天子宵旰之憂屢經遣大臣相機築塞歲費帑
金以數百萬計迄無成效於是

六飛親蒞審厥源流

指授方畧司空受成百職趨事川后爲之迴瀾波

臣因而效順厥績既告

帝曰俞哉計自興事至告成凡兩載而克既厥功
此非

聖德上合乎天

神功下際乎地未易有此顯績者矣督河臣上其

事議敘大小臣工

天子既陞授羣臣有羌猶以河性遷徙靡常善後
機宜必須

躬臨相度又恐所過地方供億費繁廼

命於仲春之月擢輕舟屏儀衛

巡視故道經理後圖所過之地停舟問勞小民

携老扶幼夾岸歡呼者不可以數計而臣郵

人也備員秘館消埃莫效連年以憂居里閭

躬沐

洪恩不自意溝壑餘生得泳游於

光天化日之下今幸伏覲

天顏承

明詔快覩

聖天子布德元元永綏淮海一時草木無知皆欣
欣向化而臣不能導揚盛美形為歌咏附於
巷舞塗歌之後則真塊然者之不若矣用是
追維歷年

皇上蠲賑隆恩及今水道受治之地各系微咏凡
得五言古詩十章敢云播之史館聊以代夫
民謠永識

洪庥傳諸萬禩謹拜手稽首以

獻

其一

聖人所無逸萬幾惟躬親明堂大和會方國厘諮
詢八紘躋壽域太和溢鴻鈞東南財賦地祗
席登斯民慮終如其始

六飛復時巡民生兼運道不憚

起居頻

翠華所駐處盎盎生陽春仁風一披拂萬彙爭懷
新川嶽騰光輝恩波浩無垠小臣沐膏澤瞻
拜隨清塵

其二

地勢有崇卑源流貴測識往者勞

乘輿要領已先得若者淤宜濬若者決宜塞成筭
授司空不敢違寸尺經營告厥成實維

聖主力茲來復

省視一一舊所厯不為浮議搖善後更區畫其
時駭浪平雨堤烟柳碧夾道多懽聲閭閻安
作息

王心真載寧

九重多喜色

其三

憶昔棲中澤鍛羽鳴聲悲嗷嗷俄

上達天聽何其卑無煩繪圖奏動色生嗟咨溺則
猶已溺饑則猶已饑指顧

命司農興發不待時乳哺厯五載逮茲豐稔期春
雨膏萬物沾灑無一遺淮南億兆姓更生荷

皇慈

其四

仁恩誠汪濊婦子懽聚首有司急供賦催科不
敢後維

帝曰其咨吾民困已久反裘毋負薪銜勒毋疾走
正供起田間蠲除無一有

丹詔日邊來和樂及童叟甚念

皇心勞甚荷

皇仁厚只今多頌聲我

后真父母

其五

賑廩既萬億貸租亦頻年

天心所軫念來歲民將田方春播穀時其未得毋

懸截漕充朝夕額賦可豫蠲

時截漕平糶又豫蠲正賦一年

好生洽蒼穹黍稌被陌阡炊烟起萬戶閭里

何熙然決排思禹績耕鑿歌堯天

殊恩邁往昔

曠典光簡編

其六

淮海素沃壤烟火鬱林藪紅鮮滿篝車白粲

盈春白狂瀾來無端幾載憂黎首

至尊授方畧鯨鼉皆却走經理及原隰兆民安畎

畝條風吹土膏欣欣十千耦婦子慶盈止黃

耆酌大斗鼓腹而嬉遊

帝力同高厚

其七

黃水會清口浩瀚莫與京自昔河防議汰黃
必資清有時急湍瀉衆流與之并橫溢入洪

澤挾淮東南傾

帝命分厥勢導黃黃不爭

時奉 上諭移仲庄開于楊家庄地方使黃水

暢流無倒灌之虞

黃水既安流淮亦無漫盈借水以

攻沙治河猶治兵

睿算超千古三策陋賈生

其八

淮源發桐栢出與黃流匯清口日填淤故道
遂云廢匪直民生憂會通寶漕礙

皇帝奮乾斷堅築橫塘埭畚鍤朝以施淮流夕溯
泮衆水獲所歸疏鑿息羣喙決排功誠艱扼
要此為最二瀆永朝宗四海歌王會

其九

黃河西極來天派注滄瀛金錢罄太府長年
舞蛟鯨今者

省淮方洪濤了不驚河伯執玉至天吳揚桂旌
壁馬不復薦郊原取次耕芒芒宅殷土七遷
民弗寧何如

聖明世川瀆競效禎始知懷柔力千載頌平成

其十

平成夫如何底績在閭尾雲梯勢建瓴古蹟
未云圯一經大疏導歸墟蹈前軌豈獨淮甸
懽海邦亦咸喜同聲前致詞

皇仁安所底維海包天絡日月出其裏維海納百
川朝宗亘萬紀敬舉壽吾
皇稱觥自茲始

進

編修臣吳世燾恭



